

**ҰЛЫТАУ ОБЛЫСЫ ҚОҒАМДЫҚ КЕҢЕСІНІҢ КЕЗЕКТЕН
ТЫС ОТЫРЫСЫНЫҢ
ХАТТАМАСЫ № 1**

**Жезқазған қ-сы
29.01.2024
сағат 17.30**

Облыстық қоғамдық кеңесінің кезектен тыс отырысы оффлайн және онлайн режимде өтті.

Отырысты ОҚК төрағасы **Бегенов Б.Ж.** ашып жүргізді.

Отырысқа ОҚК мүшелері қатысты : **А.Ахмет, А.Мукеева, Тусупбеков Д, Сейдахметов М, Қайыпбеков А, Шәмші Х, Токишова А, Оспанов С, Изтолеуов Д, Мырзабекова М, Атамурат М, Бейсембаев М, Тулегенов Д, Такибаев А, Шамбулов М, Қозайдаров Ы, Жунусов Е, Битенов Н, Абжаппаров А, Алданиязов Т, Маткенов М** қатысты.

Отырысқа белгілі себеппен қатыспаған : **Рахметов А, Бекмағанбетов М,**

Бегенов Б – Сәлеметсіздер ма құрметті әріптестер! Бүгінгі кезектен тыс отырысты өткізудің себебі – облыстық қоғамдық кеңестің атына келген шағымдар. Өздеріңіз білетіндей – 28 қарашада облыстық әкімдікте бюджетті қарастыру өтті. Іс-шараға денсаулық басқармасынан **Ниязова С**, полиция департаментінен **Смагулов Б, Кульжанов Е** есеп берді. Өзім іс-сапарда болғандықтан отырысты **Маткенов Мурат Кадерович** жүргізді. Осы отырыста әріптесіміз – Т. Алданиязов өзін өте дөрекі, этикаға сай емес әрекет көрсетті. Осыған орай түскен арыз-шағымдармен сіздерді таныстырып өтейін (**құжаттардың көшірмесі хаттамаға тіркелді**). Сол күні жиынға қатысқан бірнеше азаматтар арамызда отыр. Не айтасыздар?

Қайыпбеков А- Бюджетті талқылауға байланысты жиынға қатыстым. Расымен де ұят жағдай орын алған. Хатта көрсетілген фактілер шындық. Таубагул мырза өзін өте дөрекі ұстап, айқайлап, мемлекеттік қызметкерлердің абыройын түсірді. Облыстық қоғамдық кеңестің атына кір келтірді десем қателеспеймін. Денсаулық басқармасының қызметкері **Ниязова С**- қа сөз де беруге мұрша бермей, ол кісі ренжіп кетіп қалды. Полиция Департаментінен келген азаматтарды айқайлап қуып жіберді. Бір емес 2 рет. Өз басым ескерту жасадым. Таубагул мырза – мне никто не указ, сам знаю,- деп тоқтамады. Бұл кісіні жөнге келтіре алмаймыз, сондықтан қатарымыздан шығару керек деп есептеймін.

Шәмші Х- Ия, денсаулық Басқармасының қызметкерімен сол күні әріптесім сөз таласты. Болмайтын нәрседен дау шықты. Полиция полковниктері дресс-кодқа сай киінген деп есептеймін. Алданиязов мырза қайта-қайта айқайлап, сөз таласа берді.

Сейдахметов М – Мемлекеттік қызметкер болғандықтан әр түрлі жағдайлардың куәгері боламыз. Бірақ, 28 қарашада өткен жиында

әріптесіміздің өзін солай дәрекеі ұстағаны мүлдем дұрыс емес. Бұл жұмысқа, біздің имиджімізге кері әсерін тигізеді. Бұндай оқиғаны карап талқылап жатқанымыз дұрыс.

Бегенов Б – Қоғамдық кеңес мүшелері сынай алады, келеңсіз жағдайларды айтуға міндетті. Ал айқай артық, Қазақстан Халықтар Ассамблеясының жергілікті өкілдеріне барып Алданиязов мырза бюджеттерін тексерем депті. Ол заңсыз. Ешкім бет алды, жоспарда жоқ нәрсені жасай алмайды. Барлық іс-қимылдар Заң шеңберінде жүргізілу керек.

Алданиязов Т – Сіздер өздеріңіздің функционалды міндеттеріңізді білмейсіздер. Қоғамдық Кеңес мүшелері кез келген жерге өз бетімен барып тексере алады. Сіздер 28 қарашада өткен істі неге енді карап жатырсыздар? Өзімді еш кінәлі деп санамаймын.

Бейсембаев М – ағай біз сізге алдында шанс бердік. Өзіңіз біздің офиске келіп осы әңгімені қозғағансыз. Олай айқайлап, дәрекеі ұстауға болмайды дегенде не істесемде өзім білем деп бой бермедіңіз. Сіз сияқты әріптеспен жұмыс жасаудан бас тартамын.

Мукеева А – Ұрыс – керіс өкінішке орын алды. Бұл үлкен қателік, дұрыс емес нәрсе. Бізге қай адам болмасын ұнамаса да, айқайға, ашуға баруға болмайды. Бұндай азамат арамызда барының өзі қате. Мүшеліктен шығару керек.

Бегенов Б – Құрметті әріптестер! Ұлытау облысының Қоғамдық кеңесінің құрамынан Алданиязов Таубагул мырзаны шығару ұсыныс түсті. Дауысқа салайық.

Қолдайды - 21

Қарсы - 0


Қалыс қалды - 0

Бегенов Б – Жаксы әріптестер! Рахмет.

Шешім :


Ұлытау облысының Қоғамдық кеңесінің 21 мүшесінің қолдауымен Таубагул Алданиязов мырза, 2024 жылдың 29 қаңтарынан бастап Ұлытау облысының Қоғамдық кеңесінің мүшелерінің қатарынан шығарылды.

Ұлытау облысының
қоғамдық кеңесінің төрағасы



Б. Ж. Бегенов

Ұлытау облысының
Қоғамдық кеңесінің хатшысы:



С. Оңғарбаева